

百千品彙之含靈沐高穹之惠澤稽首皈依  
元極大道稱念慈光朗照天尊不可思議功  
德

玉皇十七慈光燈儀

十六

四燈儀同卷

為三

上清十一大曜燈儀

南斗延壽燈儀

北斗七元星燈儀

北斗本命延壽燈儀

上清十一大曜燈儀

法事如式

具位某誠惶誠恐稽首頓首再拜焚香上奏  
三清上聖十極高真中天星主紫微大帝日  
宮月府星君五星四曜星君南斗六司星君  
北斗九皇星君周天二十八宿星君本命元  
辰星君三官大帝四府真君五師三省真君  
三界四府無鞅聖眾恭望聖慈洞回昭鑒  
臣聞一晷乎晝一晷乎夜三光遮照於無窮  
或降之祥或降之殃萬彙咸歸於有制轉分  
至落閉而成歲司水旱饑穰以戒時丹桂白  
榆雖有雲霄之隔貫珠合璧曾無杪忽之差  
是故璣璣玉衡則創乎堯舜之朝銅儀木器  
則備乎漢唐之世惟曜靈夜光之大德有五  
色重輪以儲休惟陽紫天佐之威嚴有循軌

徒舍以表異躔次斯顯分野允符壇坎奠禮  
神之方旂常標著明之象所以橫目宜觀於  
經緯反身自省於行藏循還十有二宮列布  
十有一曜孰謂道分遠過了不相關其如德  
召吉凶動無弗應矧窮通感衰之匪忒皆贏  
縮逆順之是絲既成賴於生成曷敢忘於奉  
事今醮主某夙趨靖館丕闡仙科仰觀靈游  
撫塵凡而來下恭陳淨供昭悃幅以居歆稽  
首歸依虔誠讚詠

臣眾等志心皈命日宮太陽帝君日宮神  
仙諸靈官

仙諸靈官

臣聞大明為衆陽之宗久照啓羣目之用推  
原氣象內抱烏而外駕龍判立晨昏出捧桑  
而入細柳萬里同晷五色開祥永惟聖神尚  
每嚴於兄事嗟爾士庶宜若奉於君臨今醮  
官某肅啟誠心輒敢陳手菲薦虔宣慈爰麻  
上徹於叢霄稽首皈依虔誠讚詠  
東望樽桑宮 稽首朝鬱儀 太陽洞明景  
寥寥何所思 令我拜金色 候天望英姿  
黃華將玉女 臨軒降此時

臣東等志心皈命月宮太陰皇君月宮神  
仙諸靈官

臣聞圓魄麗天清光邈日或白或黑常觀繼  
繼於金樞乍缺乍盈詎假修輪於玉斧素娥  
縹緲而深隱宮殿丹桂婆娑而兼覆兔蟾氣

本陰精允著明威之義象俾后德咸依委照  
之功今醮主某載肅蘭場仰瞻霄堦爰選正  
一之侶恭揚隱秘之章稽首歸依虔誠讚詠  
仰望顧八表 惟月孕陰精 中有太素皇  
夫人駕綠軒 耀華光二極 混明照三清

○ 懇懇求至道 五色下來迎

臣東等志心皈命東方木德歲星重華星  
君諸靈官

臣聞水惟木德咸仰歲星序四時而發春陳  
五事而為親進退如度則姦邪息赤黃而沉

則年穀豐所臨國昌運能安乎四境同色兵  
偃茲寶首於五行果玩蟠桃獸躡剛鬣今醮  
士某瞻虎帶之象惟罄肅恭誦金繩之章庶  
祈昭格稽首歸依虔誠讚詠  
歲星乘木德 展轉耀東鄉 凌天滋潤澤

正色晃明皇 尋華歌浩漾 擲水詠芝房  
經時頻禱祝 獲福自然長

臣東等志心皈命南方火德熒惑執法星  
君諸靈官

臣聞位居執法之嚴名記榮惑之重入太微  
而受制參炎帝以乘離稽考六卿主司空而  
兼司馬贊襄萬務內理政而外理兵森劔戟  
之兼持儼孤矢之在御馬逾電逝旒逐風飛  
今醮主某敬三洞之真文曾無少懈仰九天  
之隱耀敢有弗恭稽首歸依虔誠讚詠

○ 芒角森龍鳳 威光叱十方 丹罍耀午夜  
朱火焰三邊 晶明符正氣 劔戟煥兵權  
挽槍應滅迹 宇慧敢當先

臣東等志心皈命西方金德太白天皓星  
君諸靈官

臣聞測金衡而瞻太白主大臣而號上公在  
義無虧於言罔失儲祥降福國因臨照以寢  
昌禁暴夷凶師必法象而後吉常御四弦之  
樂旁觀五德之禽專浩氣之清英儼真容之  
光麗今醮主某馳誠霄漢注想虛無敢披要

妙之文仰格清明之鑿稽首歸依虔誠讚詠  
太白凌清漢 騰霜耀素英 亭亭浮瑞彩  
皎皎盛長庚 鋒高能禦寇 色潤每降兵  
推窮符曆數 合道與長生

臣東等志心皈命北方水德辰星伺晨星  
君諸靈官

臣聞徽稱曰辰盛德為智小則驗夫刑法大  
則考諸陰陽遠主蠻夷每占象於天街之比  
近伴輔相宜贊元於崑廟之中序屬嚴凝氣  
明殺伐立木猴而捧硯執素卷以抽毫今醮  
士某遙跂珠躔想騰輪之馳驚肆陳玉冊宣  
雲福之幽微稽首歸依虔誠讚詠  
○ 妙哉符五炁 鬚髮見真門 岷峨當丑位  
壬癸洞靈君 分輝疑皎潔 彤靈赴思存  
仙歌將舞蹈 良久下金天

臣東等志心皈命中央土德地候鎮星真  
君諸靈官

臣聞位正中央時當長夏仁義禮智主手信  
斯有望於成功視聽言貌正于心乃不入於  
他道茂著黃帝之德是為天子之星帶劔伏

牛杖錫持印所居闢能降吉祥今醮士某  
敷敷碧篆之文遠飄雲路祈望翠蕤之仗俯  
降塵寰稽首歸依虔誠讚詠

高穹符戊己 藏陸起重霄 五行尊暗曜  
九土見光朝 甘石推留伏 陶巫算沈家

上仙垂雨露 伏地禮空遙  
臣眾等志心皈命交初建星羅睽隱曜星

君諸靈官

臣聞允惟神首之星爰播聿斯之詠號貴權  
而操勢循黑道以韜光冠晨宿之威稜亦莫

余而敢侮掌日月之薄蝕其誰曰而不然身御  
飛龍手持寶劍常占測手晦朔庶消弭乎災

殃今醮士某恪奉威容輒敢陳手菲薦虔宣  
隱讀庶上徹於聰聞稽首歸依虔誠讚詠

神首循黑道 冥冥超至靈 暗明期朔望  
陽德晦陰精 高鎮黃樞闕 矛戟耀霜鈐

志心俟多福 稽首誦真經  
臣眾等志心皈命交終神尾墜星計都星

君諸靈官

臣聞推交終於玉曆想隱曜於珠躔愛罔克

威瞋目而仗三尺武且有力乘能而立九垓  
允惟神首神尾之權共掌修德修刑之變怒  
摧山嶽怪出龍蛇思能動之在誠必轉禍以  
為福今醮士某啓雲鳳之輶祇誅靈文析景  
霄之輪下臨法席稽首歸依虔誠讚詠

處暗表陰德 豹尾鎮星官 怒指摧山嶽  
權凶瞋太空 龍蛇生怪狀 變異忽昏蒙

主人長壽樂 權應在恪恭  
臣眾等志心皈命天一紫炁道曜星君諸

靈官

臣聞惟天一之道星稟木德之餘氣冠聲瑯  
玉仰瞻穆穆之容服曳飛霞遙想鏘鏘之珮

悠然沖淡卓爾孤高燕居申申主張多遜於  
閑適吉祥止止臨難自脫於逃危今醮士某  
祇薦馨香俯禱懇款肆披宣於蕊笈庶上徹

於叢霄稽首歸依虔誠讚詠  
授制宗元帝 合精耀紫微 陰陽乘運極

幽顯閱靈機 玉輿登廣漢 金鈴步斗飛  
四宿循周度 九土尊天威

臣眾等志心皈命太一月字慧星星君諸

靈官

臣聞切原太一之星蓋稟夜光之炁雖歷黑  
道而可測然居陰曜而不盈儼冠服之飾躬  
待將趨昕朝之著凜鈇鉞之在手又若擁大  
將之權或凌犯以興災唯特達而降福是宜

懷謝曷罄肅恭今醮士某薦獻甚微精誠斯  
罄將仰祈手聽馭乃恭誦於靈章稽首歸依  
虔誠讚詠

太陰光玉緯 精鬼育羣生 青桂黃華輔

鬱羅保素靈 毛頭分怪狀 慧尾或潛經

舍次流災福 齋修洞杳冥

諷經 回向

上清十一大曜燈儀終

七